

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ЖУМҲУРИЯТИ ИИВ ҲАЙЪАТИ НАШРИ

№ 12 (2432)

● 1992 ЙИЛ 30 ЯНВАРЬ

● ПАЙШАНБА

● НАРХИ: ОБУНАЧИГА 10 ТИИН, СОТУВДА 25 ТИИН.

ХУШЁРЛИККА ЧАҚИРАМИЗ

16 январь куни Тошкентдаги Талабалар шаҳарчасида юз берган фожиали воқеа биз — милиция фахрийларини ҳам беҳад ташвишга солди.

Мустақиллигимизни, Ўзбекистонимизни озод кўришни хоҳламаган ёвуз ниятли кишилар шу қонли воқеани уюштирдилар, деб ўйлаймиз. Ҳали озодлик, мустақиллик нима эканлигини, унинг келажакдаги нафини тасаввур ҳам қилолмаётган кишиларимизни ақл-идрокларини тўп-лашга, хушёрликка чақирамиз.

Мустақилликни асраш учун аввало тинч-тотув бўлмоғимиз, ўз иш жойимизда ҳалол ва фидокорона меҳнат қилмоғимиз, юртимизнинг моддий неъматларини янада кўпайтирмоғимиз керак! Энди дадил қадамлар ташлаётган, жаҳонга танилаётган ва дунё мамлакатлари таниб, тан олаётган Ўзбекистонимиз, миллатимиз шэънини ҳимоя қилмоғимиз, унга доғ туширмаслигимиз шарт. Ана шулар келажакдаги фаровон турмушнинг, абадий мустақилликнинг таянчи ҳисобланади.

Бугун юртимизда юзага келган ҳар қандай сиёсий оқимнинг асосий вазифаси — Ўзбекистонни рўшноликка чиқариш бўлсин. Тарихдан маълумки, амал таллашишлар, жанжаллашишлар, қон тўкишлар ҳеч қачон яхшилик келтирмаган. Улар давлатни фақат кучсизлантиради, халқни қийинчиликларга мубтало этиб, охир-оқибатда танглик ботқоғига ботириб ташлайди.

Жумҳуриятимизда, ҳудди шунингдек, Уш, Ўзган вилоятларида содир бўлган қонли тўқнашулар замирида миллий келишмовчиликлар эмас, адолатсизликлар эмас, балки тарихи, маданияти, санъати бой, ер ости, усти бойликлари бисёр ўзбек миллатининг обрўсини туширишдек ғаразли мақсадлар ётибдики, ундан ҳамон сирли парда ортида кўринмай қолаётган душманларимиз ниҳоятда манфаатдордирлар. Лекин эртаки-кеч, албатта, адолат тантана қилади: фожиаларнинг ташкилотчилари ёпинган ниқоблар ечиб ташланади!

Бироқ биз — милиция сафида 30-40 йиллаб хизмат қилган фахрийлар бу ишнинг қанчалар сермашаққат эканлигини биламиз. Не-не азамат йигитларимиз туну кун осойишталик, тинчлик, тотувлик учун куч-ғайратларини аямаётганликларини била туриб, кўплар милиция ходимлари тўғрисида ёқимсиз, ҳақоратомуз гап-сўзларни айтаётганликлари бизни бе-ниҳоя ранжитмоқда. Баъзилар Фарғона фожиаларида қурол ишлатилмаса ҳам, бошқа жойларда қурол ишлатилса ҳам, милицияни айблашди. Бироқ милиция, халқ ибораси билан айтганда, Аҳмадийнинг париси эмас-ку! Уни хоҳлаган одам кўнгил тусганича тепавергани! Ахир, унинг ҳатти-ҳаракатларини белгилайдиган қонунлар бор, махсус буйруқлар бор! Қолаверса, нуфузли раҳбарларимиз бор!

(Давоми 2-бетда).

Мен «Поста» саҳифасида эълон қилиб борилаётган, бугунги куннинг энг долзарб масалаларни кўтарилаётган мақолаларни мунтазам ўқиб бораман. Хусусан, яқинда «Бечоралар ичра бечора», «Хуқуқсиз ҳуқуқ ҳимоячилари» деган мақолалар диққатимни тортди. Мен ўттиз йилдан ортқ вақт ички ишлар соҳасида

МЕНИНГ ФИКРИМ

хизмат қилганман. Аммо бирор шанба-якшанба ёки байрам кунлари мириқиб дам олганимни эслаёлмайман. Ахир, милиционер ҳам одам-ку?! У ҳам оз-моз ҳордиқ

чиқарсин-да яйраб.

Бироқ «Хуқуқсиз ҳуқуқ ҳимоячилари» мақоласидаги фикрларга кўп ҳам қўшилмадим. Агар милиция ходимига хизматдан кейин ҳам қурол бериб қўйиладиган бўлса, анча кўнгилсизликлар юзага келиши мумкин. Тилов **НУРҚОБИЛОВ**, пенсионер, меҳнат фахрийси.

НОМИ ЎЗГАРАДИМИ?

Мен кўп мухлисларингиз қатори «Поста»ни ўқиб бораман. Сешанба, пайшанба, шанба кунлари эрта тонгданоқ эски шаҳардаги дўкончага келаман. Чунки рўзнома тез тугаб қолади. Эҳтимол қоғоз камдир, десам, нега «На посту» сотувга кўп чиқади?

Энди асосий мақсадимга кўрсам. Мен кўп вақтдан бери кўриқлаш бўлимида ишлаганман. Демокриманки, рўзномангизнинг ҳозирги номи ана шу маънони билдиради. Менимча унинг бундай аталиши ноўрин. «Поста» ўрчисча номдай туюлаверади менга.

Мен «Поста»нинг 60-йиллардаги «ҳаёти» билан танишман. Севиб ўқир эдим. Лекин нима сабаб бўлди-ю рўзноманing чиқиши тўхтатиб қўйилди. Ўтган йилдан бошлаб уни яна муштарийлар билан юз кўришгани эса қувонарли ҳол.

Аввало рўзноманing но-

ҚАРШИМАН

ми ўзгармаганлигидан мамнунман. Кейинги пайтда қайта қуриш қайта қолашга айланиб кетди, чамамда. Ҳамма нарсанинг ўз номи билан юритилгани маъқул эмасми? Нима кераги бор Алини Вали де-

Абдулла ТОЛИПОВ.

йишнинг? Шусиз ҳам қилар ишимизни билмай қолдикку.

Исми жисмига монанд рўзноманing номини ўзгартиришдан не фойда? «Поста» ўз номига гоят муносиб. Шаҳсан мен ўзгартиришга қаршиман. Олимжон **ТУРАЖОНОВ**, Марғилон шахри.

БИЗ ҚАНДАЙ ЯШАЙМИЗ?

оляпман. Айни қаҳатчилик даврида шу пул бутун бошли битта оила эҳтиёжига етармикан?

Ҳар бир ташкилот ўз ишчисига ёрдам пули тўламоқда. Бизга берилиши керак бўлган 100 сўм ёрдам ва 50 сўм озиқ-овқат пули ҳам ҳозир қўлимизга тегаётган 395 сўм ичидами? Бу ҳақда шартномада ҳеч нарсая дейлмаган. Агар шундай бўлса, пулнинг қадри кетган айни

замонда маошимиз 245 сўм эканда! Мабодо бундай бўлмаса, бояги ёрдам пуллари бизга ким ва қачон беради?

Устига устак кўпгина корхона ва ташкилотлар раҳбарлари шартномага қўл қўйиб, маблағ ўтказишдан бош тортмоқдалар. Наҳотки, тинчлик, осойишталикнинг қадри пул билан ўлчанса?

Таваккал **АБДУРАҲИМОВ**, Фарғона вилояти.

ҚИММАТНИНГ ШЎРВАСИ ТАТИМАС

Арзоннинг шўрваси татимас, дердилар. Яқинда 7-таксопаркиннинг ҳайдовчиси С. Хабаев бунинг аксига гувоҳ бўлди. Кира ҳақи илқис 4-5 барабар кўтарилганидан мижознинг ўзи анқонинг уруғига айланди. Шунинг учун С. Хабаев метронинг «Чилонзор» бека-тида «ГАЗ-24» белгили 20-49 ТНД рақамли машинасига яқинлашган тўрт йигитни Ал-Хоразмий дўҳасига элиб қўйишга бажонидил кўнди. Кейин пушаймон чекди...

Айтилган манзилга етиб келиб тўхтаганда, биқинига пи-чоқ тиралганини сезиб, аъзойи баданини совуқ тер босди. Қандай машинадан тушгани-

ни-ю, босқиячилар таксида қачон жўнаб кетишганини билмай қолди. Бироз ўтказиб янғ қурилаётган иморат яқинида юз берган босқинчилик ҳужуми ҳақида милицияни огоҳлантиришга шошилди.

Воқеадан огоҳ этилган милиция ходимлари қочоқлар тушган машинани излашга тушдилар. Ниҳоят Тошкент шаҳар ИИБ ДАНБ ходимлари Калинин тумани маркази яқинида уларга дуч келишди. Машинада ҳунар-техника билим юртларидан бирида ўқийдиган икки йигит ушланди. Уларнинг шерикларини қўлга олиш чоралари қўрилмоқда. **Ғ. ЖУРАЕВ.**

Ўзбекистон ахборот бошқармасининг хабари

ОМОН тугатилди

Ўзбекистон Республикаси Президенти И. А. Каримовнинг 27 январдаги фармойишига биноан СССР Ички ишлар вазирлигининг 1990 йил 7 сентябрдаги 344-сон буйруғи ва Ўзбекистон Республикаси Ички ишлар вазирлигининг «Тош-

кент шаҳар ижроия комитети ички ишлар бошқармасининг алоҳида вазифаларни бажарувчи милиция отряди (ОМОН)ни тузиш тўғрисидаги 1990 йил 26 сентябрдаги 212-сон буйруғи амал қилиши» бекор этилди.



Маҳбуба опа Хидирова-нинг шимтабассумли чех-раларидан бир нарсани ил-габ олиш мумкин. Опа участка вакилининг бугунги хизматида хурсандлар.

Янгийўл шаҳар ички ишлар бўлими участка вакили милиция кичик лейтенанти Самиржон Сотимов эса ҳудудга қарашли маҳаллалар тинчлигида, аҳолисининг хотиржамлигида ўзининг ҳам хизмати борлигидан хурсанд, албатта.

Суратни **Ҳ. ШОДИЕВ** олган.

МУВАФФАҚИЯТНИНГ ОМИЛИ—ЯҚДИЛЛИКДА

Бир пайтлар мактабда эскирган, истеъмолдан чиққан сўзлар ҳақида гапиришарди. Бугунги куннинг тилдан тўшмай қолган сўзларини ҳам биласизми? Булар талон, купон, тақчиллик... Яна бир сўз бор. Ташмачилик. Ҳозирги мавзунимиз ана шу ҳақда.

— Утган йил мобайнида,— дейди Андижон вилояти ички ишлар бошқармаси ҳузуридаги кўриқлаш бўлими бошлиғи милиция подполковниги Одижон Нурматов,— вилоят бўйича ходимларимиз томонидан ташмачилик билан шуғулланган 1921 шахс ушланди. Улардан ташкилот ва корхоналарга 49 минг 666 сўмлик моддий-товар бойликлари қайтариб берилди. Халқ судлари 550 ташмачига 22 минг 985 сўм жарима солди. Қолганлари эса маъмурий ва жиноий жавобгарликка тортилдилар.

Пойафзал ишлаб чиқариш бирлашмаси экспедитори С. Исабоев фабрикадан ҳеч қандай ҳужжатсиз 155 жуфт эркаклар ва аёллар оёқ кийимини олиб чиқиб кетишга уричди. Ходимларимизнинг зийраклиги туфайли Исабоев тижорат дўконига топширмоқчи бўлган 17 минг 928 сўмлик маҳсулот корхонага қайтарилди. Яқинда бизга Андижон тикувчилик бирлашмаси раҳбарияти томонидан бир ўрам газмол ўғирланганлиги ҳақида ариза тушди. Воқеа юз берган жойда ходимларимиз қидирув ишларини олиб боришди. Аниқланишча, шу корхона тикувчи-

мотористкаси Г. Газиева 249 сўмлик газмолни бирлашма режалаш-техника бўлими хонасига яшириб қўйган экан.

Қинғир ишга қўл урганларни ушлаш ҳар доим ҳам тинч ўтавермайди. Масалан, трикотаж ишлаб чиқариш бирлашмаси ҳайдовчиси Э. Ботиров тайёр маҳсулотлар омборидан 5 контейнер юк олиб чиқиб кетаётган пайтда тўхтатилиб, бирлашма вакиллари иштирокида контейнерларни очишга қарор қилинди. Лекин омбор мудирини Х. Ҳабибуллаев комиссия аъзоларига қаттиқ қаршилиқ кўрсатди. Молларга ёзилган ёрлиқни йўқ қилишга уринди. У айғоқчи ёки уруш тўғрисидаги фильмларни кўп кўрган бўлса керак, ёрлиқнинг бир қисмини чайнаб, ютиб юборди. Аммо бу ёрдам бермагандан сўнг милиция ходимларига беш минг сўм пул таклиф қилди. Контейнерлар очилганда, 30 минг сўмлик тўр газмоллари борлиги аниқланди.

— Умуман олганда,— дедим энди бошлиқ,— энгил саноат вазирига қарашли вилоят корхоналарида ўғирлик ва ташмачилик қилган 649 шахс ўтган йилнинг ўзида ушланди. Давлат ва жамоат мулкни талон-торож қилишда озиқ-овқат саноати корхона ва ташкилотларида ҳам «бўш келишмапти». Уларнинг 332 нафар ишчи-хизматчисининг қонун олдида жавоб беришига тўғри келди. Келинг, яна мисолларга мурожаат қилайлик.

Андижон сут заводи цех

устаси Р. Юсупов машинада 700 литр сутни олиб чиқиб кетмоқчи бўлибди.

Ёғ-мой комбинати совунарилик цехи катта инспектори А. Раҳимбердиев эса қўл остидаги ишчилар Н. Тўхтабоев ва И. Иброҳимовга Тошкент вилояти Коммунистик тумани Усмон Юсупов номли жамоа хўжалигидан тахтакунжара ташиттирган. Лекин тўртта «КАМАЗ» белгили машинанинг ҳар бирида 2 яшиқдан (жами 1400 дона) совун ҳам орттирган. Аммо ўғирлик йўлига ўтганлардан ҳеч ким на пулдан, на совундан фойдалана олди.

— Кейинги пайтларда телевидение ва рўзномаларда айрим корхоналар ўзининг соқчилиқ хизматини ташкил қилганлиги ва шу туфайли ташмачилиқ ҳоллари камайганлиги ҳақидаги хабарларни ўқиб турибмиз. Бу борада сизнинг фикрингиз қандай?

— Мен бунга ишонмайман. Бизнинг ИЖК бўлими ходимлари билан ҳамкорликда ўтказган рейдларимиз ҳам бу гаплар нотўғрилигини кўрсатади.

— Ташмачилиқнинг илдини қаердан излаш керак?

— Ташмачилиқ авж олишининг асосий сабабларидан бири жойларда тарбиявий ишларнинг сустлиги бўлса, иккинчиси моддий жавобгар бўлган хизматчиларнинг ўз вазифаларига совуққонлик билан қарашларидир. Чунки кўп ҳолларда улар томонидан тайёр маҳсулотлар ёки хомашё ўз вақтида ҳисобдан ўтказилмайди.

Агарда ички ишлар идоралари ва корхоналар раҳбариятлари ташмачиларга қарши биргалликда кураш олиб борсалар, ўйламанки, ўғирликларнинг пайини қирқишга эришиш мумкин.

Милиция майори Элшод РАҲМАТОВ суҳбатлашди.

ҲУШЁРЛИККА ЧАҚИРАМИЗ

(Боши 1-бетда).

Ваҳоланки, 1989 йил октябр ойидаги жумҳуриятда сиёсий-ижтимоий аҳволни барқарорлаштириш тўғрисидаги қарор ҳали ўз кучини йўқотганича йўқ. Унда зарур ҳолларда милиция ходимлари қандай ҳаракат қилишлари муфассал ёзиб қўйилган.

Биз — ёшлар мураббийлари, умуман барча дорилфунунлар, олий билимгоҳлар, ўрта махсус ўқув юртлари, билим юртлари, мактаблар раҳбарияти ёшлар билан ишлашни тубдан яхшилашларининг тарафдоримиз.

Наҳотки, ётоқхоналарда ислотовхоналар пайдо бўлиб қолса-ю, мураббийлар билмас (телевидение орқали 22 январь кун шундай дейилди), тошлар, арматуралар еттинчи қаватгача олиб чиқилса-ю, талабалар, уларнинг Кенгашлари раислари, комендантлар бундан беҳабар бўлсалар!?

Халқ орасида эндигина тикланиб келаётган милиция бўлиминини ерга уриш, унга путур етказиш, тўғри келмасе, турли ёрлиқларни ёпиштириш жуда осон. Лекин тепкиланган обрўни тиклаш қийин.

Биз Талабалар шаҳарчасида юз берган ҳолатни қаттиқ қоралаймиз. Охир-оқибатда бу ишларга ҳуқуқий баҳо берилади, деган умиддамиз. Истеъфодаги милиция полковниклари

- М. БОБРАҲИМОВ, Т. УБАЙДУЛЛАЕВ, Р. ТОВБОЕВ, А. САТТОРОВ, В. А. СЕРГЕЕВ, Д. Н. СИНЯВСКИЙ. Истеъфодаги милиция подполковниклари: Н. ЖАМОЛДИНОВ, Т. ҲАКИМОВ, Н. ЕКУБОВ, А. БАДАЛОВ, Ш. БОТИРОВ, Ф. ХАЛИЛОВ.

«НЕЧА ҚУТИ УЗАТАЙ?..»

Ғафур Тошкент туманидаги умумий овқатланиш корхонасида ҳайдовчи бўлиб ишлайди. Машинасида турли-туман озиқ-овқат маҳсулотларини ташийди. Ўйлаб қараса, уларни бераётган ташкилотларга барибир. Товарлар дўконга борадими ёки бевосита фуқароларгами. Қоғозини кўрсатиб, нақд пулни тўласанг бўлгани экан.

Ғафур шу вақтгача гўёки биров текширадигандай айтилган жойига тушириб юрибди. Йўқ, етар соддалиги. Эртага 50 қути тухум олиши керак. Энди бошқача иш қилади.

У пул сўраб танишлари ёнига борди. Бирдан 3500,

иккинчисидан 500, яна бирдан 500 сўм олдида, эртаси кун паррандачилик фабрикасига жўнади.

У ердан улониғ ортаган 18.000 дона тухумни тўғри дўконга элтмай тумандаги Ленин номли жамоа хўжаллигига келтирди. Давлат нархида 7 сўму 50 тийин бўлган ҳар қутисини 10 сўмдан пуллай бошлади. Харидорлар бирин-кетини оқиб келар, Ғафурнинг қўли-қўлига тегмасди.

Очиқ савдога туман ИИБ ходимлари аралашинди. Уларни ҳам харидор, деб ўйлаган Ғафур: «Неча қути узатай?», — дедю тилини тишлаб қолди.

Нур БАДИА.

Киравершида катта дарвоза. Рўпарада Акмал Икромов тумани ИИБ биноси, унинг чап биқинидагиси халқ суди «кулбаси».

Айтишларига қараганда, иморат 1936 йилда қурилган бўлиб, уруш йиллари болалар уйи вазифини ўтаган. Бир мунча вақт ўтиб, сағирлар сонини камайгач, болалар бошқа ёққа кўчирилгану, резина заводига айланган (эҳтимол шунинг учун ҳам калишга эҳтиёж сезмагандирмиз). Сўнгра фалакнинг гардиши билан бу ерга ИИБ жойлашгану шу кунгача (бундан ҳам кейин) муқим бўлиб қолган.

Балким муштарылар бир бинога шунча гапнинг нима кераги бор дерлар? Бироқ иморат шуниси билан антиқаки, зилзилаларга ўта бардошли, айрим хоналарида на туйнук бор, на йўлакка эшик.

Яна шуниси диққатга моликки, ҳар йили Тошкент шаҳар ИИБнинг тиббиёт бўлими, ўт ўчирувчилари бинони яроқсиз, авария ҳолатида, деб варақ-варақ актлар тузини кетишди-ю, иморатнинг эса у ёқ-бу ёғи ёрилса ёриладики, ўпирилиб тушмайди. Кўрибсизки, ходимлар ҳеч нарса бўлмагандек кириб-чиқиб, ишлаб юришаверади.

Яна бир қизиқ томони шундаки, чироқлар тез-тез ўчиб қолиб, шамнинг бу ерда кадрланиши, канализация, бало-баттар, деган сўзларнинг умуман ишлатилмаслиги.

Энг қизигини ҳали айтмаман-ку. Жиноят содир этилган жойга ҳамма (эҳтимол жумҳурият миқёсидадир) туман ИИБларига қараганда энг охирида етиб келинашсин. Нега денг? Негаки ИИБ энг хароб бинога жойлашгани бир дард, туманининг энг чеккасига ўрнашгани иккинчи дард. Шу сабабли камиди 3-4 дақиқада етиб бориши зарур бўлган жойга 15 дақиқа ва ундан ҳам кўп вақт сарфланади.

— Нимасини айтай, — дейди туман ИИБ бошлиғи

милиция подполковниги Тоҳир Бойматов. — Янги бино қурилаётган эди. Қаддини ҳам ростлаганди. Ҳадемай янги жойга кўчамиз, деб хурсанд юрардик. Бироқ 1984 йили қурилиш ишлари таққа тўхтатилди.

Менга довур уч нафар бўлим бошлиқлари ишлаган бўлса, ҳаммаси қурилишни давом эттириш мақсадида елиб-югуришган.

Мана ўтган йили халқ суди, прокуратура, ИИБ ходимлари бамаслаҳат янги бино масаласидаги талабларни Президентимизга аълоқасиз мақсадида нома битдик. Бироқ у Президент қўлига тегмади.

БОНГ УРАМИЗ!

«ЙИҚИЛМАЙ ТУРСИНДА»

аввал шаҳар ижроқўмига, сўнг туман ижроқўмига тушди. Эски ҳаммом, эски тос, яна муаммо муаммоллигича қолиб кетди. Ундан ташқари телевидение орқали ҳолимизни намойиш этдик, шаҳар Кенгаши, ички ишлар бошқармаси аҳволимиздан огоҳ. Аммо...

Аммо, дейдию, у ёғини гапириш бекорлигини англайди. Биладан қиш кунлари йиқилади деб турган бинонинг қай ҳолатга тушишини. Кўмир ёққан билан отнинг калласи сизадиган ёриқлардан кираётган совуққа ичкари исимаслигини. Ҳар мавсумда шахсий таркиб 30-40 фойзининг боши касалдан чиқмаслигини.

— Визнинг хонамизни ўз кўзингиз билан бир кўринг-а, — деб, ичкарига таклиф этишди жиноят қидирувчилар.

Хира ёритилган хонада 6 нафар ходим ўтирибди. Биринчи айланувчи билан сўроқ-жавоб қиляпти, бири ёзув машинкасини тақиллатяпти, бири телефонда эшитиб-

эшитмай: «а-а, а», — деб гаплашяпти. Ўтиришга жой йўқ. Ҳар бир «меҳмон»га аталган ранги ўчиб, яғири чиққан биргина стул.

Енгинасидаги хонага кўз югуртираман. — Мана бу кошонамизни кўринг, — дея эгаси хонани очади.

Тўрт девор. Еруғлик, қуёш нури тушадиган туйнук йўқ. Эшикнинг тепасидаги бир парча тешикка кўзим тушади.

— Мен ўзим уриб, синдириб очганман, ҳаво кирсин деб.

Ҳаво эса биқинидаги 6 нафар ходим ўтирадиган хона-

Бу гаплар эски иморат ҳақида. Энди янги қурилаётган, ҳали битиши номаълум иморатнинг машмасидан гапирай.

А. Икромов туман ИИБга мўлжалланиб қурилаётган бино 1984 йили тўхтатилган. Тиклаш ишларини «Главташкентстрой»нинг 153-қурилиш бошқармаси олиб бораётганди. Бирдан лойиҳалаштириш институти билан баҳс уйғонди. Лойиҳа чиқимга тўғри келмайди, деб уни ўзгартришди. Қурувчилар эса янги лойиҳада ишламаймиз, дейишди. Қурилиш эса чала-лигича ётибди. Бегона қуроққа қурувчилар билан ло-

шароитларини яхшилашга уринаётганлигини ҳам билишад.

— Ҳатто кечаси уйғониб қолсам, тунги ходимларни иморат босиб қолмадиминики, деган уйга бораман. Уйқумда ҳам ҳаловат йўқ, — дейди Т. Бойматов.

Ҳа, қанинди лойиҳачилару қурувчилар, ижроқўму вазириликдаги масъул раҳбарлар уйқусида бўлмасида унгада мазкур туман ходимларининг аҳволидан бир қур хабар олишса. Жилла бўлмаси, сиртидан иморатга кўз ташласалар

Айтинг-айтинг, улар ўрниларидан кўзгалиб, бўлимга етиб келгунига қадар бино йиқилмай турсин.

Мен туман ИИБдагиларнинг ҳасратидан чанг чиқади, десам, биқинидаги қозиларнинг фиғони бурқсийди.

Тағин ҳам бу ҳуқуқшуносларнинг сабр-бардошига қойил. Улар ёзишаверади, ёзишаверади, бино эса тураверади. Агар бинода озгина фаросат бўлганида борми: «Мана сенларга устимдан арз қилиш», — деб шартта ётволарди. Хайрият, ўша нарсаси йўқ.

— Судга чақирилганмиз, бироқ ичкари киришга кўриқиб турибмиз. Яна гувоҳлик берамиз деб... Ахир, бола-чақалимиз.

Ҳовлида одамлар гавжум. Уларнинг қайсиси бўлимга келган, қайсиси судга. Аммо четдан қараганга бу ерда оммавий жазолаш қурилмаси ишлайтандек туюлади. Ҳа, ҳа. Муболаға эмас. Содда одамни ичкарига қадим босиши билан ваҳима босади.

Милицияда аҳвол қандай бўлса, судда ҳам аҳвол шу. Шунинг учунми стол қимирласи ҳам, даров-бирбирларидан хабар олишга шошилишди. Ана оқибату мана оқибат. Дўст қийинчиликда билинади, деб шунга айтсалар керакда.

М. ИБРОҲИМОВА.

Дилшод билан Муроджон қалин пўст, йўз-е, дўст. Бир оддийгина колхозчи, бошқаси эса новвой. Иккиси ҳам эндигина 22 баҳорни қаршилаган навқирон йигитлар. Нима бўлди бу азаматлар қимор-бозлар даврасига тушиб қолдилар. Аввалига пича қўллари баланд келди, сўнг кўз очиб юмгунча ҳар бири 300 сўмдан қарз бўлиб қолишди.

— Эртага чашшоғча келтириб бермасаларинг, икки баравар қилиб тўлай-сизлар, — деди тамаки чекаверганидан тишлари сарғайиб кетган олакўз тоға. Нима қилиш керак? Қарз вақтида берилмаса, бу

олакўздан ҳар нарса кутиш мумкин. Дилшоднинг уйдагилари бир сўм ҳам беролмайди. Қарз-ҳавола билан кечагина тўйни ўтказишди. Муроднинг отаси

насиға қарашли «Москвич» хизмат уловни икки дўстнинг диққатини тортди. Қоровулнинг ўз хонасида уйқуга кетиши улар учун айна мудоао эди. Ҳаш-паш

ҚИЛМИШ-ҚИДИРМИШ

эса ўғлига ноўрин пул ушлатмайдиганлардан. Узи шундоқ ҳам ойлик ҳисобига рўзғор тебратди. Қандай қилиб бўлмасин пул топиш керак. Пул қурғур кўчада сочилиб ётмас экан. 28 сентябрь куни кўзи ожизлар жамияти корхо-

дегунча икки шарпа корхонанинг орқа деворидан ошиб ўтди. Кўзи ожизлар жамиятининг раҳбарлари хизмат уловининг олд ғилдираклари ўғирлаб кетилганлиги ҳақида эрталаб Қува тумани ИИБга хабар қилишди.

Воқеа жойига қидирув бўлимаси бошлиғи милиция майори Маммуржон Жамолов, милиция лейтенанти Одижон Нуриддинов ва бошқа бир қанча ходимлардан иборат тезкор гуруҳ етиб келди.

Бу орада икки дўст ғилдиракларни ҳамқишлоқлари бўлиши Б.га пуллашиб, қувончдан ял-ял ёниб юришарди. Афтидан қонунқонда деган тушунчалар борлигини буткул унутган эдилар. Хайрият, етмиш икки соат ичда зийрак ходимлар уларнинг эс-ҳушини жойига келтирдилар.

Раҳимжон РАҲИМОВ, милиция катта сержанти.

ЙУҚЛИКДАН ШУҲЛИК

Анвар илгари ҳам қамалган. Озодликка чиққач, ўзи туғилиб ўсган Андижонда бош кўтариб юролмади, айланиб-айланиб Тошкент вилоятининг Юқори Чирчиқ туманига келиб ўрнашиб қолди. Дуч келган ишларни қилиб, тирикчилигини ўтказиб юрди.

Мана бозор иқтисодиёти ҳамманинг пайтавасига қурт солди. Ишлаётганларки моддий қийналишяпти-ку, бекорчилар нима қилишсин?

Анвар ҳам ўйлай-ўйлай бир тўхтамаг келди. Енгинасида жойлашган мактабда тикув цехи ишга тушган. У ерда бозори чаққон жинси шимлар тикилади. Уч-тўрттасини пулласа, анчагача яшаш ташвишидан қўтилади. Кўпроқ ўмаролса, янада яхши яшаш мумкин.

Одам бир нарсга астойдил киришмасин экан. Кечаси қўлига темир олиб, мақсади сари одимлади.

Эшикка осиглиқ отнинг калласидек қулфни темир билан бир урганди, шарақлаб очилиб кетди. 12 дона жинси шимни, парда, аёллар кийимини қўлтиқлаб, уйига жўнади.

Эрталаб эшиклари очиб, дераза ойналари синган цехга кириб келган мудар, гарчи ўғирлик содир этилганини билсада, индамай кўя қолди. Хусусий қидирув уюштириш ниятида қоровулга қайта-қайта ҳушёр бўлишини тайинлади.

Орадан уч кун ўтиб, Анвар ичиб яна мактаб тарафга юзланди. Бемалол ичкарига кирди. Уғрининг қадамини кузатиб турган қоровул дарҳол мударга қўнғироқ қилди. Тунги меҳмон остонада қўлга олинди. Анварнинг қўл-оёғини боғлаб, ИИБга сим қоқдилар.

Анвар Ҳабибулин туман халқ суди томонидан қилмишига яраша жазоланди.

М. ИСРОИЛОВА.

ЎТЖИРКЎЗ ШОЛБИН

Бахтиндан очайми, тахтиндан очайми. Кўп узоқ эмас, унчалик яқин ҳам эмас. Аммо, айланай, сизларни катта бойлик кутиб турибди. Ҳалолласангиз сизники, уйда қилолмасангиз, эгасиники. Қани, ақчани чиқаринг. У-ў, пича қўшинг, қўшинг, кўзимга яхши нарса кўринаётир. Қани, ҳовлида ёлғиз чолу кампир. Бошқа жонзот йўқ. Чап тарафдаги уйда сандиқ. Устида кўрпа-ёстиқ. Сандиқ тўла бойлик. Ана, айланай. Аммо кундузи худо йўл бермайди сира.

Муҳим «лойиҳа»ни қўлга киритган кишилар уни амалга ошириш режасини тезроқ тузиш мақсадида фолбин ҳузуридан шошапиша чиқиб кетишди. Бироқ, минг қарра тажрибали бўлишсада, фолбиннинг башоратидан бироз иккиланишди. Бордию ёлғон бўлиб чиқса-чи? Лақиллатган бўлса, калласи кетади у иқиртнинг.

Башоратчи анойи эмас эди. Ахир, Тошкентдай азим шаҳардан келган-а! Уйда чол ва кампирдан бўлак ҳеч ким йўқ эди. Уғриллар аланг-жаланг қарашлар билан ҳовлига ошиб киришди. Ёзининг салқин туни эмасми, чол ва кампир сўрида хуррак отишарди.

Уғрилардан бири эшик олдида қолди. Иккинчиси уйга кириб чироқни ёқди ва сандиқ устидаги кўрпа-тўшакни ҳар ёққа отиб, фолбинга «кўринган» ўша сандиқ қулфларини буза бошлади.

Уйда бола-чақаси бўлмаган киши сергак бўларкан. Чол бир ағдарилиб кўзини очиб қараса, нариги уйнинг чироғи ёниқ: «Э, содда кампир, юмушлар билан чарчаб чироқни унутибди-ку!» Уйқу аралаш айвон томон юрди.

Эшик олдида турган пойлоқчи уни сезиб қолиб, дарҳол қўлидаги болтани ирғитди. Аммо мўлжалдан адашди. Чол ҳангу-манг қолиб уйга кирди.

— Ҳой, ўғлим, инсофинг борми? Нималар қилипсан? Улимлигимга деб йиғиб қўйганларини олиб кетсанг, мен қай гўрга бораман? Қўй, ўғлим, бу нарсалар барибир сенга наф келтирмайди, — чол нотаниш йигитнинг қўлига ёпишиб ялина кетди. Аммо сандиқ тиштиётган азамат узр сўраш нодон-

лиги учун кечиршини илтимос қилиш ўрнига ёнидан пичоқ олиб, унинг кўксига санчди.

Уйдаги тўполондан кампир уйғониб, атрофга войдод солди. Ярим тунда бир зумда кўни-кўшилар йиғилишди. Уйдаги титилган кўрпа-ёстиқлар устида қонга бўялган чол инграб ётарди. Ланг очиб сандиқдаги лаш-лушлар ҳар ёққа сочилган, бироқ ўғриллар аллақачон жуфтаникни ростлашган эди.

Бу воқеа ўтган йилнинг сентябрь ойида Самоқ қишлоғида истиқомат қилувчи 70 ёшли Ҳайдар бобо Сангиловлар хонадониде содир бўлган. Хайрият бобонинг ҳали куни бор экан, тиббиёт ходимлари уни яна оёққа турғизишди.

Уғриллар-чи? Улар шу кетишда қочиб қолишдими? Йўқ, асло. Уларнинг қўлида фолбин аёл берган яна икки-уч «лойиҳа» бор эди. Буниси бўлмаса униси, униси бўлмаса...

Ҳайдар бобоникиде шовқин-сурон, вой-дод бўлаверсин. Эндиги гапни шу қишлоқда яшовчи сартарош Шоқир Жўраев хонадонидан эшитинг. Режалар жуда пухта ва аниқ бўлганлигиданми ёки вақт ярим тундан ошиб қолганиданми, бу ҳовлида уларга ҳеч ким ҳалақат бермади. Дарвозани очишиб, деворга суяб қўйилган «Восход» мотоциклини бемалол кўчага олиб чиқашди.

Самоқ қишлоғида рўй берган бу воқеалар ҳақида Яккабоғ тумани ички ишлар бўлимига хабар қилинди. Бўлимда жиноят қидирув гуруҳи зудлик билан оёққа турди. Жиноят қидирув катта вакили Эргаш Жўраев бошчилигида ходимлардан Дўстмурод Ҳусанов, Ғайрат Умаров Самоққа етиб келишди. Сўраб-суриштирувлар бошланди. Бироқ ҳамма елка қисиб, лаб буришдан нарига ўтмайди. Тунги қароқчилар изсиз ғойиб бўлишган.

Ниҳоят, Эргаш Жўраевнинг бошига ғалати бир фикр келди. Қишлоқда аёлларнинг турли миш-мишлари, тортишувлари манзилгоҳи — давлат хўжалигининг тикувчилик цехига боришга қарор қилди.

Тикувчилар ва буюртмачилар аввалига ажабланиб туришди. Сўнгра бири қўйиб, бири олиб, ўз тах-



мин ва гумонларини айтишди. Адолат исмли қизнинг гаплари, у тилга олган шубҳа, далиллар Э. Жўраевга калава учини маҳкам ушлаб олишга кўмаклашди. Чунки Адолат қишлоққа Тошкентдан бир фолбин аёл келганлигини, у самоқлик Бозор исмли чўпонга тегиб олганлигини, ҳар куни турли хонадонларда фол очиш баҳонасида кишиларнинг бор-йўғидан хабардор бўлиб юришини милиционерга гапириб берди.

Изқуварларга худди шу далиллар зарур эди. Қидирув ишлари қизиб кетди. Орадан кўп ўтмай ИИБ жиноят қидирув гуруҳи бошлиғи милиция капитани Баҳодир Маҳмудов ва жиноят қидирув опервакили милиция катта лейтенанти Шоолим Номозовлар фаол иштироки натижасида ўша босқинчиликлар Яккабоғ шаҳрининг Пушкин кўчасида яшовчи Нормурод Ҳантов томонидан қилинганлиги аниқланди. Унинг шериги Ульянов номли жамоа хўжалигининг Жамолота қишлоғида яшовчи, аввал судланган Муртоза Муродов бўлиб чиқди.

Дарвоқе, жиноятчиларнинг раҳнамоси фолбин Муяссар Алиева ҳам бошқа башорат қилолмайди-кан бўлди.

Баҳриддин АЛИҚУЛОВ, Яккабоғ тумани ички ишлар бўлими бошлиғининг ўринбосари милиция капитани.

ОИНАДАН УПКЛАМА!

«ЖРЕБИЙ»

Янги йил муносабати билан бошқармада ноёб моллар савдоси уюштирилди. Дўкон эшиги олдида дарров ходимлар тўпланишди.

— Мумкин бўлса, менга анави кийимни беринг, — дедим сотувчига.

— Бўлимизга шундан икки дона ажратилган. Бирини олдим, деб қўл қўйинг бўлмаса.

Шу пайт милиция капитани Тоҳир Қодиров кириб келди.

— Аъзамжон, бу ёққа юринг. Сотманг унга, — дея сотувчинни четга тортди.

— Ҳа, нима гап!

— «Жребий» қиламиз.

— Бу қиморку!

— «Жребий» дедимми, «жребий»!

Менинг ноқулай аҳволга тушганимни кўрган ҳамкасбларимдан бири секин шивирлади.

— У обкомдан ўтган. Қўйинг, бундайларга гапириб бўладими. Отдан тушса ҳам, эгардан тушмаган ҳали...

Ҳа, нима ҳам қила олардим. Раҳбар одам шундай қилиб турганидан кейин тақдирга тан бермай иложим йўқ. Эҳтимол ҳозирги тақчилликда шундай қилиш гуноҳ ҳисобланмас. Аммо инсоф сари барака, дейишади. Қайдам...

Н. МАМАЖОНОВ.

ҚОТИЛНИ КЕЧИРОЛМАЙМИЗ

Бултур 4 февраль куни қишлоғимиздаги «Чехра» ресторанида кўшни қишлоқлик Садри Тошев деган киши турмуш ўртоғим Абдуғани Абдурахмоновни уриб ҳушидан кетказган. Инқилиш натижасида миясига қон қуйилган эрим беш кундан кейин касалхонада дунёдан ўтдилар. Мен эса тўрт нафар ёш болам билан ёлғиз қолдим. Айниқса, ҳозирги шароитда бу жудалиқнинг нақадар оғирлигини айтмаса ҳам бўлади.

Қонун юзасидан жиноий иш қўзғатилди. Тергов давомида гувоҳлар сўралиб, далиллар тасдиқланди. Тиббий экспертиза ҳам хулосасини чиқарди. Жиноятчи-га жиноят мажмуасининг 88-банди «В» қисми билан айблов эълон қилинди ва иш судга оширилди. Мана орадан икки йил ўтди. Аммо суд ҳамон судралмоқда. Тўри, бу борада икки мартаба йиғилиш ўтказилди. Лекин иккаласида ҳам суд ҳукми чиқаролмади. Ҳайрон бўласан киши. Жиноятчи аниқ бўлса, қилган ишнинг бўйига олган, қотиллик юз бериб, бир оила боқувчисиз қолган бўлса, яна нима керак? Яна нима етмапты экан буларга? Одамлар орасида: «Бу ишга пул аралашган», — деган миш-

миш тарқалди. Энг ачинарлиси шундаки, олдин ЖМнинг 91-банди 2-қисми билан судланган С. Тошев озодликда юрибди.

Охирги пайтларда болаларим билан тунларни уйқусиз ўтказаямиз. С. Тошев уйимизга бир неча бор дўстларини юборди. Улар келиб, даъвомиздан кечипимизни талаб қилишди. Рад жавобини олганларидан сўнг: «Энди сенинг ҳам ишингни ҳал қиламиз. Болаларинг отасиз эди, онасиз ҳам бўлишди», — деб кетишди. Шуларни ўйлаб, ҳақиқатни рўёбга чиқаришга ҳам ишонмас экансан. Улганнинг устидан қулгандек «ҳуқуқий давлат тузамиз» деган баландпарвоз сўзларини эшитиш нақадар оғир эканини айтмай-сизми?

Мен ҳам, болаларим ҳам шу жумҳуриятнинг фуқароси. Бизларнинг ҳам ҳуқуқларимиз ҳимоя қилинишини истаймиз. Агар бу ҳуқуқий давлат бўладиган бўлса, тўрт боламни етмиш қолдирган қотил жазосини олсин.

Бизлар ҳеч қачон қотилнинг гуноҳини кечира олмаймиз.

Жумагул АБДУРАҲМОНОВА, Самарқанд тумани.

ИНСОФ САРИ БАРАКА

Сир эмас, айниқса, кейинги пайтларда халқ ва милиция ўртасида тушунмовчилик кучайиб кетди. Ҳаммининг фикри-зикри шунга қаратилган. Хўш, бу муаммони бартараф қилиш мумкинми? Мумкин.

1972 йилнинг баҳор ойлари эди. Андижон вилояти ИИБ ДАН бўлимида хизмат қилардим. Бошлиғимиз Эркинбек Жумаев деган киши эди. У доимо: «Инспектор теран ақл эгаси бўлиши керак, ДАН ходими фақат жазолашни эмас, тарбиялашни ҳам удаллаши лозим», — деб уқтирарди бизга.

Бир куни кўпчилигимизни хонасига чақиртирди. Қабулхонада уст-боши юпун, бутун вужудидан ҳалоллик ва соддалик белгилари ёғилиб турган кишини учратдик ва ҳойнаҳой, бирортамизнинг устимиздан шикоят қилиб келган бўлса керак, деб ўйладик.

Бошлиқ ҳаммамизга бир-бир назар ташлади-ю, телефонда котиба қизга бу-юрди.

— Бояги ҳайдовчи олдим-га кирсин!

Остонада қабулхонада кўрганимиз пайдо бўлди. Қисиниб-қимтиниб турар, айб иш қилиб қўйган бола сингари дув қизариб кетганди.

Эркин Жумаев унинг исми-шарифини, нима иш қилишини, қарамоғида неча боласи борлигини суриштирди. Кейин яна қабулхонага чиқиб туришини илтимос қилди.

— Мен ҳозир коймоқчи эмасман, — деди яна бизга юзланиб. — Аммо ораларингдан кимдир шу одам бошқараётган уловнинг рақамини ечиб олган. Тўғри, биз қондабузарларга нисбатан мурасасиз бўлишимиз керак. Аммо билиб-билмай бир марта қондани бузган кишини ундайлар сафига қўшолмай-миз. Агар мусичадай безор бўлган шу одамга жарима солсак, қаттиқ янглишган бўламиз. Биринчидан, бу одамнинг бир этак болалари жабр кўради. Иккинчидан, эшитганлар милицияда инсоф йўқ деган фикрга боради.

Шундан кейин менга бояги киши бошқарувидаги машина рақамини ҳамда унинг қоида бузганлиги ҳақидаги ҳужжатларни узатди. Яна бир парча қоғоз ҳам берди. Бу қоғоздаги: «Уртоқ Сайназаров, сизга ақл ўргатишнинг ҳожати йўқ», — деган жумлани ўқидим-у, қабулхонадаги ҳайдовчи истиқболига шошилдим.

Мана, азизлар, қиссадан қисса чиқариш энди ўзларингизга ҳавола.

Одилжон САЙНАЗАРОВ,
инспектор милиция майори.

ПАЙПОҚ ФУРУШ

Ҳайронсан, киши, Баҳромжон Умрзоқовга нима етмади экан-а? Намангандай жойдан 280 жуфт пайпоқни Тошкентга келтириб, ҳар бирини уч баробар нархда пуллаш ниётида «Чорсу» меҳмонхонаси атрофида ивирсиб турганда, милиция қўлига тушди. Ана энди у қонуний йўл билан ҳукумат қиссасига нақд ўн минг сўмни қуртдақгина қилиб санаб беради.

М. ҲАКИМОВ.



ХОТИРА КЕЧАСИ

Яқинда пойтахтнинг «Самарқанд дарвоза» маҳалласидаги Абдулла Қодирий номли 13-урта мактабда улўғ адибга бағишланган кеча ўтказилди.

Кеча бошланиши олдида Абдулла Қодирий ва шу маҳаллада яшаб ўтган бир қанча марҳумлар руҳига бағишлаб Қуръони карим-



дан тиловат қилинди.

Мазкур кечада иштирок этганлар орасида Абдулла Қодирий авлодлари, уни кўрган оқсоқоллар, Чўлпон нашриётининг бош муҳаррири шоир Анвар Обиджон, «Тошкент ҳақиқати» рўзномаси бўлими мудири Дилмурод Сандов, халқ ноиблари Октябрь тумани

Кенгаши раиси С. Сандкаримов бор эдилар.

Кеча сўнгида мактабнинг юқори синф ўқувчилари «Ўтган кунлар» асаридан бир саҳна кўриниши ижро этдилар. Абдулла Қодирий руҳини шод этиб, куй-қўшиқлар янгради.

Даврон АҲМАД.
СУРАТЛАРДА: хотира кечасидан лавҳалар. Муаллиф олган сурачлар.

ҲИМОЯ ҚИЛИШМАЯПТИ

Бу мактубни ёрдам берарсизлар, деган илнжда ёза-йпман.

Термиз давлат муаллимлар тайёрлаш олий билимгоҳи толиблари кўмагинизга гоёт муҳтож. Уларнинг аксарияти бошқа туманлардан, қўшни вилоятлардан келиб таҳсил олишади. Ётоқхоналаримиз атрофида эса маҳаллий ёшлар ҳукмрон.

Якка-ёлғиз учратиб қолишса (айниқса, қизларни), ҳар қандай шармандалиқдан таштортишмайди. Кечалари тўда-тўда бўлиб талабаларни пойлаб ўтиришади. Кейин шикимлик қилиб, уятли сўзларни айтиб, дилимизни хуфтон қилишади.

Билимгоҳимизнинг бу биносидан у биносига бор-гунча дарахтзор оралашга

тўғри келади, лампочкалар ўрнатилмаган, қоп-қоронғи. Бошқа ўқув юртлари ётоқхоналари атрофи ҳам, кеч бўлди, безорилар билан гавжум бўлади.

Сизлардан илтимос, шаҳар тинчлик посбонларини озгина хушёр тортириб қўйсангизлар. Агар улар кечалари патруллик қилиб, бу аҳволни ўнгламасалар, оқибати ёмон бўлиши мумкин.
К. АЛЛАМУРОВА,
Термиз шаҳри.

ЯРАТГАН ИҚТИДОРДАН ҚИСМАГАН

МИЛИЦИЯ МАЙОРИ БАХТИЁР АНВАРОВ БУШ ВАҚТИДА ҲАЙКАЛТАРОШЛИК БИЛАН ШУҒУЛЛанади.

Яқинда ажойиб бир инсон билан учрашдим. Ваангладимки, иқтидорли одамни табиат қанчалар юксакка кўтариши мумкин: У созада бўладими, файласуфми, риёзидчимми, фарқи йўқ. Бахтиёр Анваровнинг Қашқадарё вилояти ИИБда бўлим бошлиғининг ўринбосари бўлиб ишлаётганига кўп бўлмади. Январ ойининг бошларида бошқарма раҳбарлари уни чақиришди: «Шу ерда ишлайсиз», — дейишди.

Ғарчи Бахтиёрни бу тақлиф ранжитган бўлсада, билдирмади. Раҳбарлар олдида бир шарт қўйди.

— ИИБга меҳнат ва жанговар шон-шўҳрат музейи керак. Агарда эътироз бўлмаса, бу билан хизматимнинг илк кунлариданоқ шуғулланардим.

Бу фикр раҳбарият томонидан қувватланди. Б. Анваров музей ташкил этиш фикрини аллақачон дилига туққан, аммо қулай фурсат тополмай гаранг эди.

1989 йили боши берк кўчага кириб қолган тўрт ўғирликни очгандан сўнг меҳнат таътилига чиқдида, ўғирлик олиб Москвага жўнади. У ерда дам оларкан, ИИБ қошидаги музейга ташриф бурюди. Музейнинг директори билан бўлган суҳбатда Б. Анваровнинг мамлакатда ягона милиционер-ҳайкалтарош эканлиги аён бўлди. Милиция поғонидаги рассомлар, ёзувчилар, журналистлар, чолғучилар кўпу фақатгина қаршилик милиция майори ижод-

нинг бу соҳасига қизиққан экан.

Уша йили уни эгаллаб турган лавозимидан четлатишди. Қарши шаҳар ИИБда воёга етмаганлар билан ишлаш инспекциясининг бошлиғи Б. Анваровга бу жуда қаттиқ таъсир қилди. Уч ой кадрлар ихтиёрида сақланди. Худди шу пайтларда уни севишли машғулот ишлатди. Баланглиги бир метру 80 сантиметрли Ҳамза Ҳакимзода Ниёзий сиймосини ана шу вақтда яратди. Ҳозир мазкур ҳайкал Ульянов туманидаги мактабларнинг бирида савлат тўкиб турибди. Худди шу тумандаги Ойбек номи мактаб тўридаги ёзувчи ҳайкали ҳам Б. Анваровнинг сеҳрли қўлларига мансуб.

Биринчи марта ҳайкалтарошликка қизиқиши 1967 йили — Қарши педагогика олий билимгоҳида ўқиб юрган вақтда бошланганди. Лой, ганч, цемент, тош ўша кундан бошлаб унинг кўз ўнгида сиймолар тарзида қад кўтариб борди. Бугун унинг қўллари билан яратилиб, санъат ошуфтлари томонидан тан олинган 30 дан ошиқ асарлари мавжуд. Кўпчилигини одамларга беғараз улашган. Амир Темурнинг, шаҳардаги 29-мактабдаги Йўлдош Охунбобоевнинг, 25-мактабдаги профессор Курбон Улжасовнинг ҳайкаллари шулар жумласидандир.

Вилоят байналмилалчи-жангчилар музейида эса Афғонистонда ҳалок бўлган разведкачи капитан Баҳодир

Шерқуловнинг, Сурхондарё вилоятида машҳур Майна Ҳасановнинг сиймолари ҳам Б. Анваровнинг сермашаққат ижоди маҳсулидир.

— Одамларга қувонч улашишдан ортиқроқ бахт бўлмаса керак, — деди қаҳрамонимиз. — Цемент, ганч, алибастр, металлнинг нархи бир неча бор ошсада, ишлаган асарларим одамларга ёқса, текинга бераверман. Ҳозир ИИБда меҳнат ва жанговар шон-шўҳрат музейини тиклаш билан бандман. Ахир, эл осойишталиги йўлида ҳазилакам ходимлар жон беришмади-ми? Уларнинг жасоратини таниш-билишлари, қариндошларидан бўлак ким ҳам ёдга оларди? Музейнинг мақсади эса ана шуларни авлодларга етказиш, ёшларни жасоратли ва матонатли қилиб тарбиялаш.

Ҳақиқатда ёшларнинг эрмаги фақат онгни заҳарловчи видеофильмлардан бошқа нарса эмас. Ахлоқ-одоб, ватанпарварлик тушунчасининг бугунги ёшлар учун аҳамияти йўқ. Шунинг учун бўлса керак, улар бераҳм, беоқибат. Биз тарихимиз, ўтмишимизни унутиб, катта хатога йўл қўйдик. Ота-болаларимиз муқаддас билган урф-одатларга оёқ босдик. Оқибатини эса кўриб туриб-миз.

Б. Анваров Тошкентда икки кунгина бўлди. Акаси Султон Анваровникида тўхтади. Кечқурун кимдир улловидаги эҳтиёт қилдиракни ўғирлаганини кўриб, шаҳардаги ҳамкасбларидан ёрдам сўради.



Аммо улар: «Бу майда иш, бундай ўғирликлар кунига юздан ортиқ бўлади», — деб на воқеа жойини текширишди, на жабрланувчидан ариза олишди.

Меҳмоннинг ўзи ўғирларни қидиришга киришди...

Уларнинг биридаги ҳовлида бир неча йигит-қизларни кўриб, уларга яқинлашди. Қарерда яшашларини, кимни бу ерда учратганларини сўраб, ҳозир экспертлар келиб, оқхонадаги изларни текширишини қистириб ўтди.

Бир соатлар ўтиб, эшик кўнгираги жириглади. Бахтиёр эшикни очди. Ҳеч ким йўқ. Эшик тагида эса улловдан ўғирланган филдирак турарди.

В. САФИУЛОВ.

Муҳаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни
Босмахонаси. 700083, Тошкент, Ленинград кўчаси, 32.

Телефонлар: муҳаррир — 54-37-91,
муҳаррир ўринбосари — 39-77-23,
муҳбирлар бўлими — 59-26-56,
умумий бўлим — 59-21-21.

«ПОСТДА» — («НА ПОСТУ») Орган коллегии МВД Республики Узбекистан
43370 нусхада чоп этилди.